



UNIVERSITÄTS-  
BIBLIOTHEK  
PADERBORN

## **Catalogus Episcoporum Hildesiensium**

**Letzner, Johannes**

**Hildesheim, [ca. 1690]**

X. Ochwinus

---

[urn:nbn:de:hbz:466:1-64252](#)

contulit. Aram sanctæ crucis fundavit, ipsamque utrū  
& summam eximiis ornamentis condecoravit: cūm-  
que Diœcesin multum auxisset, & 25 annis optime  
administrasset, vivere desit anno 928. 10. octobris  
sepultus ante Altare S. Cæciliæ apud Prædecessorem.

**I X. DIETHARDUS** Abbas Hirsfeldensis  
Anno 928. ad Ecclesiæ Hildesiensis regimen evocatus:  
ruinosam Gandersheimensem Ecclesiam, sumptu  
suo, ex fundamentis magnifice eduxit, atque unde-  
cim annis absolutam honori Sanctissimæ D E I Geni-  
tricis consecravit anno 939. Anno 948. Concilio In-  
gelheimensi interfuit. Anno 937. Magdeburgi Ottoni  
M. Regi adfuit. Tabulam bipedalem auream marg-  
aritis plurimis distinctam in sui mnemosynon in Ca-  
thedrali Ecclesia aræ Principi inseruit, anno 1664.  
inalia ornamenta commutatam. Cumque 28. annis  
Ecclesiam eximia cum laude gubernasset, migravit  
e vita anno 956. 13. Septembris.

**X. OCHWINUS** e Monasterio Bergensi  
prope Magdeburgum à pedo Abbatiali ad Episco-  
pale accersitus anno 956. Pagum Giesen bonis Ec-  
clesiæ adjecit. Anno 961. Ottонem Regem à Joanne  
XII. Pontifice ad comprimendam Berengarii ty-  
rannidem in Italiam accersitum comitatus est. Ei-  
dem anno sequente, cūm Imperialibus insignibus  
Romæ ornaretur, adfuit, & diploma, donationes Ec-  
clesiæ Romanæ ab antecessoribus Imperatoribus &  
Regibus factas confirmans, suâ quoque subscriptio-  
ne firmavit. Româ redux, Ticino seu Paviâ cor-  
pus S. Epiphani Ticinensis Episcopi contulit; ejus-  
demque honori facellum exstruxit, miraculis postea  
cele-

celebre & certum infirmorum asylum. Obiit anno Episcopatus trigesimo, Christi verò 986. i. die Septembris.

XI. OSDAGUS è stemmate Nobilium de Algermissen ortus, Cathedralis Ecclesiæ hujus Præpositus, non virtute minus & prudentiâ, quam sanguine clarus, electus Episcopus: quo in munere, singulari in Deum proximumque charitate ac castitatis dono eminuit: è bonis hereditariis Majorem Algermissen Ecclesiæ cum triginta mansis donavit. È vivis excessit anno 990. Regiminis quarto. 8. Novembris in crypta terræ mandatus.

XII. GERDAGUS ex Cellerario ordinatus Episcopus, Patribus morū gravitate & vitae munditiâ illustribus meritò accensendus: Bona Ecclesiæ auxit adjectis pagis duobus Minore Algermissen, & Sigbrechthusen sive Sibsen. Anno 993. ad limina S. Petri visitanda Romam profectus, in redditu Cumis tertio Episcopatus anno fatis concessit. 7. Decembris. Corpus inde Hildesium delatum & ante Altare D. Petri tumulatum.

XIII. S. BERNWARDUS Patre Comite in Somerschenburgh, Matre Adalberonis Comitis Palatini Filiâ natus, ab Osdago Episcopo adhuc adolescens Tangmaro Presbytero & Scholastico commendatus condiscipulos ingenii præstantiâ & solertiâ longè antecelluit: scientiâ Philosophicâ, chymicâ, œconomicâ, architectonicâ, pictoriâ, ac denique metallorum fundendorum, ducendorumque peritiâ instructissimus. A Willigiso Archi-Episcopo Moguntino majoribus ordinibus, servatis consuetis tem-